



**BOSNA I HERCEGOVINA**

**IZVJEŠTAJ O OBAVLJENOJ FINANSIJSKOJ REVIZIJI**

*CENTRA ZA INFORMIRANJE I PRIZNAVANJE  
DOKUMENATA IZ OBLASTI VISOKOG OBRAZOVANJA  
BOSNE I HERCEGOVINE  
ZA 2020. GODINU*



URED ZA REVIZIJU INSTITUCIJA BiH  
КАНЦЕЛАРИЈА ЗА РЕВИЗИЈУ ИНСТИТУЦИЈА БИХ  
AUDIT OFFICE OF THE INSTITUTIONS OF BOSNIA AND HERZEGOVINA

[www.revizija.gov.ba](http://www.revizija.gov.ba)



# **IZVJEŠTAJ**

## **O OBAVLJENOJ FINANSIJSKOJ REVIZIJI**

**CENTRA ZA INFORMIRANJE I PRIZNAVANJE DOKUMENATA IZ OBLASTI  
VISOKOG OBRAZOVANJA BOSNE I HERCEGOVINE  
ZA 2020. GODINU**

Broj: 03-16-1-582/21

**Sarajevo, maj 2021. godine**

## Sadržaj

<b>I</b>	<b>MIŠLJENJE NEZAVISNOG REVIZORA.....</b>	<b>5</b>
1.	MIŠLJENJE O FINANSIJSKIM IZVJEŠTAJIMA .....	5
2.	MIŠLJENJE O USKLAĐENOSTI.....	7
<b>II</b>	<b>IZVJEŠTAJ O REVIZIJI.....</b>	<b>9</b>
1.	KRITERIJI .....	9
2.	REALIZACIJA RANIJIH PREPORUKA .....	9
3.	SISTEM INTERNIH KONTROLA.....	9
4.	BUDŽET .....	10
5.	FINANSIJSKI IZVJEŠTAJI .....	11
5.1	Pregled rashoda i izdataka iz budžeta .....	11
5.2	Bilans stanja .....	11
6.	ZAPOŠLJAVANJE I STATUS ANGAŽOVANIH OSOBA.....	12
7.	JAVNE NABAVKE .....	12
8.	KOMENTARI .....	13
<b>PRILOZI</b>	<b>.....</b>	<b>13</b>

# I MIŠLJENJE NEZAVISNOG REVIZORA

Mišljenje nezavisnog revizora se daje na osnovu provedene finansijske revizije koja obuhvata reviziju finansijskih izvještaja i, u vezi s istom, reviziju usklađenosti aktivnosti, finansijskih transakcija i informacija sa relevantnim zakonima i drugim propisima.

## 1. MIŠLJENJE O FINANSIJSKIM IZVJEŠTAJIMA

### *Mišljenje*

Izvršili smo reviziju finansijskih izvještaja Centra za informiranje i priznavanje dokumenata iz oblasti visokog obrazovanja Bosne i Hercegovine (u daljem tekstu: Centar) koji obuhvataju: bilans stanja na 31.12.2020. godine, pregled prihoda, primitaka i finansiranja po ekonomskim kategorijama, pregled rashoda i izdataka iz budžeta, po ekonomskim kategorijama, posebne podatke o plaćama i broju zaposlenih, pregled dinamike zapošljavanja, pregled stalnih sredstava u obliku stvari i prava, pregled kapitalnih ulaganja, pregled doznaka iz tekuće rezerve budžeta, za godinu koja završava na taj dan i analizu izvršenja budžeta – tekstualni dio, uključujući i rezime značajnih računovodstvenih politika.

**Prema našem mišljenju, finansijski izvještaji Centra prikazuju istinito i fer, u svim materijalnim aspektima, finansijsko stanje imovine, obaveza i izvora sredstava na 31.12.2020. godine i izvršenje budžeta za godinu koja se završava na navedeni datum, u skladu sa prihvaćenim okvirom finansijskog izvještavanja.**

### *Osnova za mišljenje*

Reviziju smo obavili u skladu sa Zakonom o reviziji institucija Bosne i Hercegovine i Međunarodnim standardima vrhovnih revizionih institucija (ISSAI). Naše odgovornosti prema tim standardima su detaljnije opisane u paragrafu Odgovornosti revizora za reviziju finansijskih izvještaja.

Nezavisni smo od Centra u skladu sa etičkim zahtjevima koji su relevantni za našu reviziju i ispunili smo ostale etičke odgovornosti u skladu sa tim zahtjevima.

Vjerujemo da su revizioni dokazi koje smo pribavili dovoljni i odgovarajući da osiguraju osnovu za naše mišljenje.

### *Odgovornosti rukovodstva za finansijske izvještaje*

Rukovodstvo Centra je odgovorno za izradu i fer prezentaciju finansijskih izvještaja u skladu sa prihvaćenim okvirom finansijskog izvještavanja na nivou institucija Bosne i Hercegovine tj. Zakonom o finansiranju institucija BiH, Pravilnikom o finansijskom izvještavanju institucija BiH i Pravilnikom o računovodstvu sa računovodstvenim politikama i procedurama za korisnike budžeta institucija BiH. Ova odgovornost podrazumijeva i kreiranje, primjenu i održavanje internih kontrola koje su relevantne za pripremu i prezentaciju finansijskih izvještaja koji ne sadrže materijalno značajne pogrešne iskaze uslijed prijave ili greške, odgovarajuća objelodanjivanja relevantnih informacija u napomenama uz finansijske izvještaje, kao i odabir i primjenu odgovarajućih računovodstvenih politika i računovodstvenih procjena, koje su razumne u datim okolnostima.

## ***Odgovornosti revizora za reviziju finansijskih izvještaja***

Naši ciljevi su steći razumno uvjerenje o tome da li su finansijski izvještaji kao cjelina sačinjeni bez značajnog pogrešnog prikazivanja uslijed prijevare ili greške i izdati izvještaj nezavisnog revizora koji uključuje naše mišljenje. Razumno uvjerenje je visok nivo uvjerenja, ali nije garancija da će revizija obavljena u skladu sa Međunarodnim standardima vrhovnih revizionih institucija uvijek otkriti značajno pogrešno prikazivanje kada ono postoji.

Pogrešni prikazi mogu nastati uslijed prijevare ili greške i smatraju se značajnim ako se razumno može očekivati da, pojedinačno ili zbirno, utiču na ekonomske odluke korisnika donijete na osnovu tih finansijskih izvještaja.

Kao sastavni dio revizije u skladu sa Međunarodnim standardima vrhovnih revizionih institucija, stvaramo profesionalne procjene i održavamo profesionalni skepticizam tokom revizije. Mi također:

- Prepoznavamo i procjenjujemo rizike značajnog pogrešnog prikazivanja finansijskih izvještaja, zbog prijevare ili greške, oblikujemo i obavljamo revizione postupke kao reakciju na te rizike i pribavljamo revizione dokaze koji su dovoljni i primjereni da osiguraju osnovu za naše mišljenje. Rizik neotkrivanja značajnog pogrešnog prikazivanja nastalog uslijed prijevare je veći od rizika nastalog uslijed greške, jer prijevare može uključiti tajne sporazume, krivotvorenje, namjerno izostavljanje, pogrešno prikazivanje ili zaobilaženje internih kontrola.
- Stičemo razumijevanje internih kontrola relevantnih za reviziju kako bismo oblikovali revizione postupke koji su primjereni u datim okolnostima, ali ne i za svrhu izražavanja mišljenja o uspješnosti internih kontrola.
- Ocjenjujemo primjerenost korištenih računovodstvenih politika i razumnost računovodstvenih procjena i povezanih objava koje je stvorilo rukovodstvo.
- Ocjenjujemo cjelokupnu prezentaciju, strukturu i sadržaj finansijskih izvještaja, uključujući i objave, kao i da li finansijski izvještaji odražavaju transakcije i događaje na kojima su zasnovani na način kojim se postiže fer prezentacija.

Sa rukovodstvom komuniciramo u vezi sa, između ostalih pitanja, planiranim djelokrugom i vremenskim rasporedom revizije i važnim nalazima revizije, uključujući i one koji se odnose na značajne nedostatke u internim kontrolama koji su otkriveni tokom naše revizije.

## **2. MIŠLJENJE O USKLAĐENOSTI**

### ***Mišljenje***

U vezi sa revizijom finansijskih izvještaja Centra za 2020. godinu, izvršili smo i reviziju usklađenosti aktivnosti, finansijskih transakcija i informacija sa relevantnim zakonima i drugim propisima.

**Prema našem mišljenju, aktivnosti, finansijske transakcije i informacije Centra za 2020. godinu u skladu su, u svim materijalnim aspektima, sa zakonima i drugim propisima koji su definisani kao kriteriji za datu reviziju.**

### ***Osnova za mišljenje***

Reviziju usklađenosti smo izvršili u skladu sa Zakonom o reviziji institucija Bosne i Hercegovine i ISSAI 4000 - Standard za reviziju usklađenosti. Naše odgovornosti prema tim standardima su detaljnije opisane u paragrafu Odgovornosti revizora za reviziju usklađenosti.

Nezavisni smo od Centra u skladu sa etičkim zahtjevima koji su relevantni za našu reviziju i ispunili smo ostale etičke odgovornosti u skladu sa tim zahtjevima.

Vjerujemo da su revizioni dokazi koje smo pribavili dovoljni i odgovarajući da osiguraju osnovu za naše mišljenje.

### ***Odgovornosti rukovodstva za usklađenost***

Pored odgovornosti za pripremu i fer prezentaciju finansijskih izvještaja, rukovodstvo Centra je također odgovorno da osigura da su aktivnosti, finansijske transakcije i informacije u skladu sa propisima kojima su regulisane i potvrđuje da je tokom fiskalne godine osiguralo namjensko, svrsishodno i zakonito korištenje raspoloživih sredstava za ostvarivanje utvrđenih ciljeva, te ekonomično, efikasno i efektivno funkcionisanje sistema finansijskog upravljanja i kontrole.

### ***Odgovornosti revizora za reviziju usklađenosti***

Pored odgovornosti da izrazimo mišljenje o finansijskim izvještajima, naša odgovornost podrazumijeva i izražavanje mišljenja o tome da li su aktivnosti, finansijske transakcije i informacije u svim materijalnim aspektima, u skladu sa zakonima i drugim propisima kojima su regulisane. Odgovornost revizora uključuje obavljanje procedura, kako bi pribavili revizione dokaze o tome da li se sredstva koriste za odgovarajuće namjene i da li je poslovanje Centra, prema definisanim kriterijima, usklađeno sa relevantnim zakonima i drugim propisima.

Procedure podrazumijevaju procjenu rizika od značajnih neusklađenosti sa zakonima i propisima koji regulišu poslovanje subjekta revizije. Također, naša odgovornost podrazumijeva i ocjenu finansijskog upravljanja, funkcije interne revizije i sistema internih kontrola.

Sarajevo, 28.5.2021. godine

**GENERALNI REVIZOR**

Hrvoje Tvrtković, v.r.

**ZAMJENIK  
GENERALNOG REVIZORA**

Jasmin Pilica, v.r.

**ZAMJENIK  
GENERALNOG REVIZORA**

Ranko Krsman, v.r.



## II IZVJEŠTAJ O REVIZIJI

### 1. KRITERIJI

Ured za reviziju institucija Bosne i Hercegovine (u daljem tekstu: Ured za reviziju) izvršio je reviziju finansijskih izvještaja i, u vezi s istom, reviziju usklađenosti. Revizija finansijskih izvještaja i revizija usklađenosti podrazumijeva proces objektivnog prikupljanja i procjenjivanja dokaza, kako bi se utvrdilo da li su predmeti revizije, tj. finansijski izvještaji, kao i aktivnosti, finansijske transakcije i informacije, usklađeni sa odgovarajućim kriterijima koji su sadržani u zakonima i drugim propisima. Kriteriji predstavljaju uporedne parametre koji se koriste kako bi se dala ocjena predmeta revizije.

Za ocjenu usklađenosti sa zakonima i drugim propisima korišteni su sljedeći kriteriji:

- Zakon o budžetu institucija BiH i međunarodnih obaveza BiH za 2020. godinu
- Zakon o plaćama i naknadama u institucijama BiH i podzakonski akti
- Zakon o porezu na dohodak i Zakon o doprinosima (FBiH i RS)
- Zakon o javnim nabavkama i podzakonski akti
- Zakon o državnoj službi u institucijama BiH i podzakonski akti
- Zakon o radu u institucijama BiH i podzakonski akti
- Zakon o upravi i podzakonski akti
- Zakon o finansiranju institucija BiH.

### 2. REALIZACIJA RANIJIH PREPORUKA

Ured za reviziju izvršio je finansijsku reviziju Centra za 2019. godinu, sačinio Izvještaj o finansijskoj reviziji i dao pozitivno mišljenje na finansijske izvještaje i pozitivno mišljenje na usklađenost. U Izvještaju o obavljenoj finansijskoj reviziji Centra za 2019. godinu nisu date preporuke.

### 3. SISTEM INTERNIH KONTROLA

Centar je odgovoran za kreiranje, primjenu i održavanje internih kontrola koje su relevantne za pripremu i prezentaciju finansijskih izvještaja i usklađenost poslovanja sa zakonima i drugim propisima.

Centrom rukovodi direktor kojeg je, nakon provedenog javnog konkursa 27.11.2017. godine, imenovao Upravni odbor Centra na mandat od četiri godine. Upravni odbor, kojeg bira Vijeće ministara BiH na mandat od tri godine, upravlja Centrom. Upravni odbor ima predsjednika, dva potpredsjednika i četiri člana. Pet članova je imenovano u 2019. godini, dva člana kojima je istekao mandat prethodne godine ponovo su imenovani u julu 2020. godine. Upravni odbor se sastaje jednom mjesečno i raspravlja o pitanjima iz svoje nadležnosti o čemu postoje zapisnici o radu. Sjednice upravnog odbora u 2020. godini su u vrijeme pandemije COVID 19 održavane elektronskim putem.

Unutrašnja organizacija i način rada Centra utvrđeni su Pravilnikom o unutrašnjoj organizaciji od 10.12.2018. godine na koji je Vijeće ministara BiH dalo saglasnost. Pravilnikom je sistematizovano 27 radnih mjesta uključujući i mjesto direktora, a na 31.12.2020. godine Centar je imao 14 zaposlenih.

**Sistem finansijskog upravljanja i kontrole:** Centar je proveo aktivnosti u vezi sa uspostavljanjem sistema finansijskog upravljanja i kontrole u skladu sa Zakonom o finansiranju institucija BiH,

Priručnikom za finansijsko upravljanje i kontrolu u institucijama BiH i Smjernicama za provođenje procesa upravljanja rizicima u institucijama BiH. Opisani su poslovni procesi, izrađene mape poslovnih procesa kao i obrasci za utvrđivanje i procjenu rizika. Kontinuirano se provode aktivnosti u vezi s preispitivanjem i ažuriranjem značajnih rizika te izvještava rukovodstvo o najznačajnijim rizicima. Određena područja potrošnje i značajni procesi rada kao i nivoi ovlaštenja i odgovornosti definisani su pravilnicima i procedurama koje je Centar donio uglavnom prethodnih godina i koji se po potrebi ažuriraju.

Centar je dostavio Centralnoj harmonizacijskoj jedinici Godišnji izvještaj o finansijskom upravljanju i kontroli za 2020. godinu.

**Interna revizija:** U skladu sa Zakonom o internoj reviziji institucija BiH<sup>1</sup> i Odlukom o kriterijima za uspostavljanje jedinica interne revizije u institucijama BiH<sup>2</sup>, za obavljanje interne revizije u Centru nadležna je Jedinica interne revizije Ministarstva civilnih poslova BiH. U 2020. godini obavljena je naknadna revizija sistema javnih nabavki u Centru kojom je konstatovano da je Centar realizovao date preporuke interne revizije.

**Funkcionisanje sistema internih kontrola:** Postupcima revizije uočili smo slabosti u funkcionisanju internih kontrola kod procesa popunjavanja naloga o korištenju vozila. Naime, uvidom u naloge za službena vozila uočeno je da se u pojedinačnim slučajevima isti ne vode na propisani način, kao npr. kolona prijeđeni put se ne popunjava na dnevnoj osnovi već za period od dva ili tri dana, loko vožnja se ne razdvaja u svim slučajevima nego je u sklopu dužih relacija ili je prijeđena značajna loko kilometraža (preko 70 kilometara dnevno), zatim, ne popunjavaju se podaci o točenju goriva i prijeđenoj kilometraži u datom momentu za izračunavanje prosječne potrošnje i sl.

## PREPORUKA 1

**Centar treba unaprijediti sistem internih kontrola u dijelu osiguranja vjerodostojnih i sveobuhvatnih evidencija o korištenju vozila.**

## 4. BUDŽET

Zakonom o budžetu institucija Bosne i Hercegovine i međunarodnih obaveza Bosne i Hercegovine za 2020. godinu<sup>3</sup> Centru su odobrena sredstva u iznosu od 757.000 KM. Za tekuće izdatke odobreno je 755.000 KM, a za kapitalne izdatke 2.000 KM.

Također, Centar je u 2020. godini raspolagao i sredstvima donacija u ukupnom iznosu od 4.040 KM (neutrošena i prenesena sredstva iz 2019. godine od Projekta jačanja i internacionalizacije visokog obrazovanja) za koja je od donatora dobijena saglasnost da mogu biti utrošena za nabavku opreme. Dakle, ukupno raspoloživi budžet Centra iznosio je 761.040 KM.

U toku godine su izvršene dvije promjene strukture rashoda koje je odobrilo Ministarstvo finansija i trezora BiH. Umanjenje su bruto plaće i naknade (17.000 KM), a povećani izdaci za nabavku materijala (1.000 KM), ugovorene usluge (8.000 KM) i nabavku opreme (8.000 KM).

Ukupno izvršenje budžeta za 2020. godinu iznosi 639.923 KM ili 85% odobrenog budžeta.

<sup>1</sup> Službeni glasnik BiH, broj 27/08 i 32/12

<sup>2</sup> Službeni glasnik BiH, broj 49/12 i 69/17

<sup>3</sup> Službeni glasnik BiH, broj 46/20

Ovakav procenat izvršenja je najvećim dijelom posljedica manjeg prosječnog broja zaposlenih (15) u odnosu na broj zaposlenih odobren Zakonom o budžetu (19) kao i niže realizacije materijalnih troškova uglavnom zbog situacije sa koronavirusom.

## 5. FINANSIJSKI IZVJEŠTAJI

Centar je sačinio Godišnji finansijski izvještaj za 2020. godinu i dostavio ga nadležnim organima i institucijama u skladu sa važećim propisima i u utvrđenom roku.

U skladu sa Pravilnikom o finansijskom izvještavanju, Centar je sačinio zabilješke bilansnih pozicija uz bilans stanja kao i obrazloženje izvršenja budžeta, sačinio detaljnu zabilješku bilansnih pozicija uz bilans stanja kao i obrazloženje izvršenja budžeta u odnosu na planirani budžet.

### 5.1. Pregled rashoda i izdataka iz budžeta

U pregledu rashoda i izdataka po ekonomskim kategorijama-zbirno, u periodu od 01.01. do 31.12.2020. godine, ukupno ostvareni rashodi iskazani su u iznosu od 639.923 KM, što je za 121.117 KM manje u odnosu na rashode planirane budžetom za 2020. godinu.

Značajni rashodi iz budžeta odnose se na: bruto plaće i naknade (444.128 KM), naknade troškova zaposlenih (69.755 KM), izdatke za upotrebu vozila (16.468 KM), izdatke za naknade upravnog odbora (neto 37.104 KM).

**Bruto plaće i naknade:** Bruto plaće i naknade iz plaća na 31.12.2020. godine iskazane su u iznosu od 444.128 KM, od čega neto plaće i naknade iznose 255.257 KM, a porezi i doprinosi 188.871 KM. Bruto plaće i naknade su za 19.284 KM manje u odnosu na prethodnu godinu, što je posljedica manjeg prosječnog broja zaposlenih u 2020. godini. Prosječan broj zaposlenih za koje su isplaćene bruto plaće u Centru bio je 15.

Krajem godine, na osnovu Metodologije za raspoređivanje zaposlenog unutar platnog razreda<sup>4</sup> troje zaposlenih je napredovalo u viši unutrašnji platni razred i to dva državna službenika i jedan zaposlenik. Sve tri osobe su unaprijeđene na osnovu ocjene rada „naročito uspješan“ u prethodne četiri godine u drugi unutrašnji platni razred.

***Pregled rashoda i izdataka iz budžeta prikazan je u Tabeli I u prilogu Izvještaja.***

### 5.2. Bilans stanja

U bilansu stanja na 31.12.2020. godine iskazana su ukupna sredstva u iznosu od 118.415 KM, a čine ih kratkoročna potraživanja u iznosu od 15.054 KM te neotpisana vrijednost stalnih sredstava u iznosu od 103.361 KM.

Ukupne obaveze sa izvorima sredstava iskazane su u iznosu od 172.110 KM. Obaveze se sastoje od kratkoročnih tekućih obaveza (15.376 KM), obaveza prema zaposlenima za bruto plaće i naknade iz decembra 2020. godine (43.817 KM) i kratkoročnih razgraničenja za nabavku opreme po ugovorima koji su zaključeni u 2020. godini, a čija isporuka će biti izvršena u 2021. godini (9.557 KM).

---

<sup>4</sup> Službeni glasnik BiH broj: 6/12 i 76/20

Centar je izvršio popis stalnih sredstava, potraživanja i obaveza na 31.12.2020. godine. Popisom nisu konstatovana odstupanja knjigovodstvenog od stvarnog stanja.

***Bilans stanja prikazan je u Tabeli II u prilogu Izvještaja.***

## **6. ZAPOSŁJAVANJE I STATUS ANGAĐOVANIH OSOBA**

Zakonom o budžetu institucija BiH i međunarodnih obaveza BiH za 2020. godinu, Centru je odobreno 19 zaposlenih. Na 31.12.2020. godine, Centar je imao 14 zaposlenih uključujući i direktora, od čega je 13 zaposleno na neodređeno vrijeme. Jedna osoba se nalazi na neplaćenom odsustvu, a jedna je na bolovanju duži vremenski period.

Tokom godine nije bilo novog zapošljavanja državnih službenika i zaposlenika niti prestanka radnog odnosa zaposlenih. Također, nisu vršeni ni interni premještanji niti je bilo unapređenja državnih službenika i zaposlenika.

Tokom godine Centar je od Vijeća ministara BiH tražio saglasnosti za zapošljavanje jednog zaposlenika i tri državna službenika, međutim, iste nije dobio iako je dobijena saglasnost Ministarstva finansija i trezora BiH. Saglasnost Vijeća ministara BiH je dobijena u februaru 2021. godine. Dva volontera su angažovana na osnovu procedure Javnog poziva.

U decembru je za poslove unapređenja IT sistema jednokratno angažovana jedna osoba po osnovu ugovora o djelu.

Centar je izvršio ocjenjivanje državnih službenika i zaposlenika za 2020. godinu.

## **7. JAVNE NABAVKE**

Centar je donio planove nabavki u privremenom finansiranju shodno potrebama i konačan plan nabavki nakon usvajanja budžeta koji je imao dvije izmjene i dopune. Prema informacijama iz sistema e-nabavke sa 31.12.2020. godine dodijeljeni su ugovori u vrijednosti od 37.854 KM bez PDV-a putem provedenog konkurentskog zahtjeva za nabavku računarske opreme (11.621 KM bez PDV-a) i direktnih sporazuma (26.233 KM bez PDV-a).

Na osnovu pregledanog uzorka zaključenih ugovora vezanih za nabavku računarske opreme i ugovora za nabavku uredskog i kompjuterskog materijala nisu uočene značajnije nepravilnosti u pogledu primjene općih principa Zakona o javnim nabavkama.

## 8. KOMENTARI

Centar nije u ostavljenom roku dostavio komentare na Nacrt izvještaja o reviziji za 2020. godinu tako da ovaj Izvještaj predstavlja konačan izvještaj bez korekcija u odnosu na Nacrt izvještaja o reviziji za 2020. godinu.

### **Vođa tima za finansijsku reviziju**

Nataša Avdalović, viši revizor, v.r.

### **Rukovodilac Odjela za finansijsku reviziju**

Munevera Baftić, viši revizor, v.r.

### **Članovi tima za finansijsku reviziju**

Seida Kapo, revizor, v.r.

Srđan Krajišnik, revizor, v.r.

### **Rukovodilac Odjela za razvoj, metodologiju i kontrolu kvaliteta finansijske revizije**

Dragoljub Kovinčić, viši revizor, v.r.

## **Prilozi**

Tabela I – Pregled rashoda budžeta za 2020. godinu

Tabela II – Bilans stanja na 31.12.2020. godine

Izjava o odgovornostima rukovodstva

## Pregled rashoda budžeta za 2020. godinu

Centar za informiranje i priznavanje dokumenata iz oblasti visokog obrazovanja BiH

Tabela I

Opis	Odobreni budžet	Usklađiva- nja budžeta	Ukupni budžet (2+3)	Izvršenje budžeta	Procenat 5/4*100
1	2	3	4	5	6
<b>1. Tekući izdaci</b>	<b>755.000</b>	<b>-8.000</b>	<b>747.000</b>	<b>630.021</b>	<b>84</b>
Bruto plaće i naknade	536.000	-17.000	519.000	444.128	86
Naknade troškova zaposlenih	83.000		83.000	69.755	84
Putni troškovi	14.000		14.000	8.210	59
Izdaci telefonskih i pošt. usluga	14.000		14.000	11.104	79
Izdaci za energiju i kom. usluge	0		0	0	
Nabavka materijala	11.000	1.000	12.000	10.088	84
Izdaci za usluge prijevoza i goriva	11.000		11.000	5.692	52
Unajmljivanje imovine i opreme	7.000		7.000	5.195	74
Izdaci za tekuće održavanje	10.000		10.000	5.931	59
Izdaci za osiguranje	3.000		3.000	2.075	69
Ugovorene i druge posebne usluge	66.000	8.000	74.000	67.842	92
<b>2. Kapitalni izdaci</b>	<b>2.000</b>	<b>8.000</b>	<b>10.000</b>	<b>9.902</b>	<b>99</b>
Nabavka zemljišta			0		
Nabavka građevina			0		
Nabavka opreme	2.000	8.000	10.000	9.902	99
Nabavka ostalih stalnih sredstava			0		
Rekonstrukcija i investiciono održ.			0		
<b>3. Tekući grantovi</b>	<b>0</b>	<b>0</b>	<b>0</b>	<b>0</b>	
			0		
			0		
<b>4. Budžet-neposredna potrošnja (1+2+3)</b>	<b>757.000</b>	<b>0</b>	<b>757.000</b>	<b>639.923</b>	<b>85</b>
<b>5. Višegodišnja kapitalna ulaganja</b>	<b>0</b>	<b>0</b>	<b>0</b>	<b>0</b>	
			0		
<b>6. Novčane donacije</b>	<b>0</b>	<b>0</b>	<b>0</b>	<b>0</b>	
			0		
<b>7. Programi posebne namjene</b>	<b>0</b>	<b>4.040</b>	<b>4.040</b>	<b>0</b>	<b>0</b>
Projekat: Jačanje internacionalizacije visokog obrazovanja u Bosni i Hercegovini		4.040	4.040		0
<b>8. Ukupno (4+5+6+7)</b>	<b>757.000</b>	<b>4.040</b>	<b>761.040</b>	<b>639.923</b>	<b>84</b>

Rukovodstvo je Pregled rashoda budžeta po ekonomskim kategorijama odobrilo 26.02.2021. godine.

Direktor:  
Damir Ljubić

## Bilans stanja na 31.12.2020. godine

Centar za informiranje i priznavanje dokumenata iz oblasti visokog obrazovanja BiH

Tabela II

Opis	31.12.2020.	31.12.2019.	Procenat 2/3*100
1	2	3	4
<b>1. Gotovina, krat. potraživanja, razgraničenja i zalihe</b>	<b>15.054</b>	<b>17.187</b>	<b>88</b>
Novčana sredstva			
Kratkoročna potraživanja	15.054	17.187	<b>88</b>
Kratkoročni plasmani			
Interni finansijski odnosi			
Zalihe			
Kratkoročna razgraničenja			
<b>2. Stalna sredstva</b>	<b>103.361</b>	<b>137.623</b>	<b>75</b>
Stalna sredstva	273.321	283.774	<b>96</b>
Ispravka vrijednosti	169.960	146.150	<b>116</b>
Neotpisana vrijednost stalnih sredstava	103.361	137.623	<b>75</b>
Dugoročni plasmani			
Dugoročna razgraničenja			
<b>UKUPNO AKTIVA (1+2)</b>	<b>118.415</b>	<b>154.810</b>	<b>76</b>
<b>3. Kratkoročne obaveze i razgraničenja</b>	<b>68.750</b>	<b>77.763</b>	<b>88</b>
Kratkoročne tekuće obaveze	15.376	33.605	<b>46</b>
Kratkoročni krediti i zajmovi			
Obaveze prema zaposlenima	43.817	44.158	<b>99</b>
Interni finansijski odnosi			
Kratkoročna razgraničenja	9.557		
<b>4. Dugoročne obaveze i razgraničenja</b>	<b>0</b>	<b>0</b>	
Dugoročni krediti i zajmovi			
Ostale dugoročne obaveze			
Dugoročna razgraničenja			
<b>5. Izvori sredstava</b>	<b>103.361</b>	<b>137.623</b>	<b>75</b>
Izvori sredstava	103.361	137.623	<b>75</b>
Ostali izvori sredstava			
Neraspoređeni višak prihoda/rashoda			
<b>UKUPNO PASIVA (3+4+5)</b>	<b>172.110</b>	<b>215.386</b>	<b>80</b>

**Napomena:** Pravilnikom o finansijskom izvještavanju institucija Bosne i Hercegovine, čl.10. stav 4., napomenuto je da bilans stanja budžetskih korisnika **neće biti uravnotežen** (aktiva jednaka pasivi) zbog programski uspostavljenog sistema Glavne knjige, dok će bilans stanja koji radi Ministarstvo finansija i trezora na nivou Budžeta institucija Bosne i Hercegovine za tekuću godinu biti uravnotežen.

Rukovodstvo je Bilans stanja odobrilo 26.02.2021. godine.

Direktor:  
Damir Ljubić

## Izjava o odgovornostima rukovodstva

Međunarodni standard vrhovnih revizionih institucija (ISSAI 1580) predviđa da revizor treba da dobije odgovarajuću izjavu od rukovodstva institucije kao dokaz da rukovodstvo priznaje svoju odgovornost za objektivno prikazivanje finansijskih izvještaja saglasno mjerodavnom okviru finansijskog izvještavanja, te da je odobrilo finansijske izvještaje.

Rukovodstvo **Centra za informiranje i priznavanje dokumenata iz oblasti visokog obrazovanja Bosne i Hercegovine** (u daljem tekstu: Centar) dužno je da osigura da finansijski izvještaji za 2020. godinu budu izrađeni u skladu sa Zakonom o finansiranju institucija Bosne i Hercegovine (Službeni glasnik BiH, broj 61/04, 49/09, 42/12, 87/12 i 32/13), Pravilnikom o finansijskom izvještavanju institucija Bosne i Hercegovine (Službeni glasnik BiH, broj 25/15 i 91/17) i Pravilnikom o računovodstvu sa računovodstvenim politikama i procedurama za korisnike budžeta institucija Bosne i Hercegovine (protokol Ministarstva finansija i trezora BiH, broj 01-08-02-1-1515-1/15, od 4.2.2015. godine). Rukovodstvo je također obavezno da postupa u skladu sa Zakonom o budžetu institucija Bosne i Hercegovine i međunarodnih obaveza Bosne i Hercegovine za 2020. godinu (Službeni glasnik BiH broj 46/20) i pratećim uputstvima, objašnjenjima i smjernicama koje donosi Ministarstvo finansija i trezora Bosne i Hercegovine, kao i ostalim zakonima u Bosni i Hercegovini, tako da finansijski izvještaji daju fer i istinit prikaz finansijskog stanja Centra.

Pri sastavljanju takvih finansijskih izvještaja odgovornosti rukovodstva obuhvataju garancije:

- da je osmišljen i da se primjenjuje i održava sistem internih kontrola koji je relevantan za pripremu i fer prezentaciju finansijskih izvještaja i usklađenost sa zakonima i drugim propisima;
- da finansijski izvještaji ne sadrže materijalno značajne pogrešne iskaze;
- da finansijski izvještaji sadrže sve relevantne podatke i analize izvršenja budžeta, kao i podatke o sistemu internih kontrola i realizaciji preporuka revizije;
- da se u poslovanju primjenjuju važeći zakonski i drugi relevantni propisi.

Rukovodstvo je također odgovorno za čuvanje imovine i resursa od gubitaka, pa tako i za preduzimanje odgovarajućih mjera da bi se spriječile i otkrile pronevjere i ostale nezakonitosti.

Datum, 26.02.2021. godine

Direktor:

Damir Ljubić